


Wg
750



917
Eine Christliche Reichspredigt/ vber
desz- weiland/



Wolgebornen vnd Edlen
Herrn/Herrn

Heinrichen

Desz Eltern/Reussen/ Her
ren von Plawen/ Herrn zu Grätz/
Erannichfeld/Gera/Schlaitz vnd
Lobenstein/

Sanssten vnd seligen abschied aus
dieser Welt/ so sich begeben zu Grätz/
den 8. Februarij Anno

1607.

Gehalten in der Pfarrkirchen zu
Schlaitz/ den 22. Febr. war Son-
tag Inuocavit
Durch

M. ERHARDUM WENDLERN Pfarrhern vnd Superins
tendenten daselbst.

gedruckt zu Gera/ durch Martinum Spies. Im Jahr 1609.

[Faint, mirrored text bleed-through from the reverse side of the page, including words like "Ergänzung", "Bibliographie", and "Verzeichnis"]



Dem Wolgeborenen vnd Edlen

Herrn/Herrn

Heinrichen

Dem Mittlern / Reussen / Herrn

von Plawen / Herrn zu Grätz / Crans

nichfeld / Gera / Schlags vnd Lobens

stein / meinem Gnedigen

Herrn.

Vnd der auch Wolgeborenen vnd Edlen

Frawen / Frawen Guetten / Keusin von Plawen / ges

horner Gräffin zu Waldeck / Frawen zu Grätz / Crans

nichfeld / Gera / Schlags vnd Lobenstein Witts

win / meiner Gnedigen Frawen.

Gnad / Fried vnd segen / sampt reichem

Trost von Gott dem Vater durch Jesum Chris

stum vnsern einigen vnd ewigen Gnadenthron

in Krafft vnd Wirkung des H. Geistes / Amen.



Wolgeborner Edler Herr /

auch Wolgeborne Edle

Gräffin vnd Fraw / E.

E. GG. seind meine vn-

terthänige gehorsame Dienst / samt

A

ij

mei

Vorrede.

meinem Vater vnser vor derselben
zeitliche vnd ewige Wolsahrt zuvor
anbereit/ Gnediger Herr vnd Gne-
dige Frau / das E. E. G. G. wegen
des tödlichen Abgangs derselben
geliebten Herrn Bruders vnd herz-
lieben Ehegemahls des Weiland
Wolgebornen vnd Edlen Herrn/
Herrn Heinrichen des Eltern/ Neus-
sen/ Herrn von Plawen / Herrn zu
Grätz/ Graulichfeld/ Gera/ Schleiz
vnd Lobenstein/ &c. in grosse vñ herz-
liche Befürmernuß vnd Traurig-
keit gesetzt worden/ kan ein jedes nit
nur allein vernünftiges / sondern
auch recht Christliches herz leicht-
lich erachten / sintemal auch die H.
Schrift von herzlichem Brüderli-
cher vnd ehelicher Lieb seine Gleich-
nüs

Vorrede.

nüssen führet / damit sie die vnauf-
sprechliche Lieb Gottes gegen vns
armen Menschen erkläret vnd zu-
verstehen gibt / vnd darauff folget/
wie diese vnermäßlich groß / also je-
ne nicht gering sein könne / vnd wie
es dem gütigen getrewen Gott weh
thut / auch darvber flaget / wann die
Menschen (wie leider bey den mei-
sten geschihet) solcher Liebe nit wol-
len / vnd der ewigē Gnad vnd Huld
verlustig werden: Also auch rümpf-
set sich vnser Fleisch vnd Blut / thut
im weh / seuffzet / trawret vnd fla-
get / wann sie der lieben angewand-
ten / vnd sonderlich eines Bruders
oder Ehegemals durch den zeitliche
Todt auß dieser Welt hinweg geris-
sen soll gerathen vñ entperen. Aber
wie

Vorrede.

Wie dem/ wir/ die wir Christen sein/
vnd stehen in der Hoffnung/ welche
von Gott vnd in Gott ist / sind des-
sen gewisz/ ob gleich da die lieben an-
gewandten / Bruder vnd Eheleut/
hie geschieden werden von der Liebe
zeitlich / doch von der liebe Gottes
nimmermehr / vnd demnach E. E.
G. G. vor wolgedachter herzlieber
Herr Bruder vnd Ehegemahl mit
Glauben/ Bekänntnuß vnd anruf-
fung auch in solche Liebe sich einge-
schlossen vnd gleich als verwickelt /
kan J. G. nun nicht darauß entfal-
len / sonder derselben Seel ruhet in
Gottes hand/ vñ erwartet der Reich-
nam auff den nunmehr herbey na-
henden jüngsten Tag des frölichen
erwachens / vnd des drauff gewisz
fol

Vorrede.

folgenden allerseiligsten bey wesens
bey Gott vñ der Schar aller H. En-
gel vnd außgewählten Kinder Got-
tes. Wir sollen darnach auch ringē/
seuffzen/ sehnē vnd verlangen ha-
bē/ vber vnserē verstorbene wol trau-
ren / aber mit gebürender maß vnd
Christlicher Bescheidenheit/ nit wie
die andern/ die keine Hoffnung ha-
ben. I. Thes. 4.

Vnd weil am meisten zu de ende
vber frommer vnd gläubiger Chri-
stē ableiben Leichpredigten gehalten
werden/ thue E. E. G. G. Ich auch die
jenige / welche ich vffgnedigen Be-
felch vber wolgedachtes E. E. G. G.
Herrn Bruders vñ Ehgemals sanff-
ten vnd seligen abschied bey meinen
anbefolenē schäfflein vñ Pfarfindn-
ge

Vorrede.

gethan / in Vnterthänigkeit offeri-
ren von Herzen wünschend / da E. E.
G. G. darauß reichen Trost wider
die Betrübnuß schöpfen mügen.
Befehle dieselbe hiermit dem Gott
alles Trosts vnd Heils zu zeitlicher
vnd ewiger Leibs vnd der Seelen
Wolffahrt / Amen. Geben Schlatz
den 4. Martij Anno 1607.

E. E. G. G.

Vnterthäniger Gehorsamer.

M. Erhardus wendler.



Texte



Text der Predigt.

Psal. 3. vers. 6.

Ich stege
vñ erwa
Herr er



vnd schlasse /
che / dann der
helt mich.

Predigt.



Als ordentliche vnd ge
wönliche Sonntags Evans
gelium / geliebte in dem
HERRN / helt vns vor eine
wunderbarliche Histori vnd
Geschicht von vnserm liez
ben Herrn Christo / wie er /
nemlich / sey nach empfang
gener Tauff am Jordan /
vnd im ersten antritt zu seis
nem Predigamt vom heis

ligen vnd guten Geist Gottes in die Wüsten geführet /
vnd daselbst vom bösen vnd verfluchten Geist auff viel
vnd mancherley weiß versucht vnd angefochten wor
den : Wie vnd welcher gestalt der HERR Christus sol
che Versuchungen des leidigen Sathans hab ubers
wun

2 **Christliche Leichpredigt.**
wunden/den Sieg behalten/ den bösen Geist von sich
gejaget/ vnd dargegen die H. lieben Engelen zu Dies-
nern/vnd Wächtern überkommen.

Nun solten wir billich gedachtes Evangelium
in seinem ordentlichen/vnd ist mit wenig Worten be-
rärten Dimelein erklären vnd handeln/ Aber/ weil es
(wilo Gott) in der Mittags Predigt geschehen wird/
wollen wir es ist beiseits setzen/vnd sind nun vorhabeus/
zu diesem mahl ein Leichpredigt zuthun.

Dann wer vnter vns/weiß nicht / wie Heut vor
Bierzechen Tagen am 8. instehenden Monats Febr.
offn Abend zwischen 10. vnd 11. Uhr/ der liebe vnd ge-
trewe G. Dtt im Himmel Den Weiland Wolge-
bornen vnd Edlen Herrn/Herrn Heinrichen
den Eltern/ Keussen / Herrn von Plawen/
H. zu Grätz/ Graunichfeld/ Gera/ Schleitz
vnd Lobenstein/ vnsern auch gnedigen Herrn/sanfte
vnd selig in reinem Bekennuß / vnd warer Anrufung
Jesu Christi durch den zeitlichen Tode auß diesem elen-
den Leben/vnd betrübten Jammerthal abgefördert/vñ
zu sich in sein ewiges Reich genommen? Vnd aber der
auch Wolgeborne vnd Edele Herr/H. Hein-
rich/der Mittlere/ Keuß/ Herr von Plawen/
Herr zu Grätz/ Graunichfeld/ Gera/ Schleitz/
vnd Lobenstein / vnser gnediger lieber Landes Herr/
als des selig verstorbenen Herrn Herzglicher vnd Leib-
licher Herr Bruder in billiches Trauren ist kommen/
gesetzt worden/ Als wil vns auch gebüren/daz wir vns
sol

Christliche Leichpredigt.

3

Folchen Todtesfall/wie Christlich/so billich zu Herken
ziehen/vnd zu Gemüth führen/vñ weil es am löblichen
Keussischen Hause vnd diesen Landen geschehen/ mit
gebürlichen/vnterthenigen/vnd herrlichen Leidtragen
betrawren vnd beweinen/vnd zwar nicht der verstorbe-
nen Person wegen/der sehr wol geschehen/ Sintemahl
J. G. durch das selige Auflösen / von allem Vbel be-
freyet/vnd durch den zeitlichen Todt in warem Glaubē
an Christum zum ewigen Leben sind durchgedrungen/
Sondern vnser wegen/ daß wir dabey den Zorn Gots
tes wider vnser Sünde erkennen / in warer Buß vñnd
Bekehrung vñs zu einem seligen Abschied / auß dieser
zergenglichen Welt fertig / geschickt vñnd bereit ma-
chen / auch gegen vnser gnedige liebe Vbrigkeit vnser
Christliches Mitleiden / als fromme Vnterthanen erweis-
sen.

Ioan. 5.

Dann daß sind wir nicht allein schuldig / nach
Gottes Gebot vnd Ordnung/das sagt: Wann ei-
ner stirbet/soll man ihn beweinen vñnd bekla-
gen / darnach er gewesen ist / Sondern auch nach
den Exempeln Heiliger Gottseliger vñnd from-
men Leut/welche sich je vnd alleweg vber ihre Todten/
vnd verstorbenen in Leid vñnd Trawren haben finden
lassen.

Syr. 38.

Als der Heilige Erkvatter Jacob in Egypten
gestorben war/hat nicht allein Joseph sein Son/samt
den andern seinen Brüdern den Leichnam von dans
nen (Dann also ward es von Jacob selbst an-
ordnet / vñnd hinderlassen worden) in das Lande
Canaan / zu seines Gros Vatters des Abrahams
Erbegrabnuß führen vnd bringen. Sondern alle die

Gen. 50.

B ij

jenis

4 **Christliche Leichpredigt.**

Jenigen/die jr geleitet/haben vnterwegens bey der Trens-
nen Arad/ die jenseid dem Jordan ligt / ein sehr grosse
vnd bittere Klag gehalten / also / das solcher Dre zum
Sprüchwort worden / das man in der Egypter Klag
genennet.

3. Par. 35. Da der fromme vnd Gottselige König Josias zu
Jerusalem gestorben/ hat das ganze Land Leid vber in
getragen / Jeremias der Prophet hat ihn beklaget / die
Sänger vnd Sangerinnen haben ire Klaglieder vber
in geredet. Vber des frommen Propheten Samuels tod
hat sich das ganze Israel zum leid tragen vnd klagen
vber in versamlet.

Vnd zwar nicht vnbillich / wir wissen wol lieben
Dan. 4. Christen / das die liebe Obrikeit sey der schöne lustige
Baum/ der Schatten gibt/ vnd darvnter die Vnterthas-
Zach. 2. nen gut gemacht/ Fried vnd Ruh haben können / Sie
Esa. 5. sind die Mauren vñ Bäume/ vnter welchen die vnterthas-
Psal. 80. nen sicher wohnen / vnd darvmb soles vns billich omi-
nosum seyn / wann jemand von ihnen durch den zeitli-
chen Todt wird weggenommen / wir sollen billich dar-
Syr. 38. vber trawren / vnd vns bekümmern / als sey vns groß
Leid widerfahren/ aber doch also / das wir nach Aussag
vnd Anleitung der H. Schrifft Christliche Maß vnd
gebürliche Bescheidenheit halten / damit wir nit traw-
1. Thef. 4 ren wie die andern/ die keine Hoffnung haben / sondern
vnsern willē in Gottes vätterlichen/ allzeit gute vñ wol-
meinenden willen stellen / vnser Seelen mit Gedult
fassen / vnd Trost vnd Linderung suchen / auch densel-
ben schöpfen auß dem rechten Heilbrunnen Israels/
Psal. 42. das ist / auß Gottes Wort / dann das ist das rechte fris-
sche Wasser / die lebendige Quelle / darinnen wir vns
ien

Christliche Reichpredigt.

wie abgefagte vnd matte Hirschen können laben vnd
erquicken/ Es ist das Wort des Lebens/ vnd das Leben
vnsers Geistes stehet gar in denselben/ vnd derwegen
wollen wir nun in vorstehendem vnserm Klagstand die
jest verlesene Wort des heiligen vnd Hoherleuchten
Königs Davids vor vns nehmen vnd dieselben
Erstlichen nach dem Texte erklären/ vnd dan
zum andern auff vns vnd vnsern sanfft ver-
storbenen vnd in Gott selig ruhenden lieben
Landesherrn die Applicatton machen.

Der getrewe vnd liebe Gott vnd Vater im Himm-
mel wolle vns nachmals hierzu des H. Geistes Gnade/
Krafft/ vnd Stärke mildiglich verleihen/ vmb seines
allerliebsten Sohnes Jesu Christi vnsers Herrn vnd
Heilandes willen/ Amen/ Amen.

Der erste Theil.

So viel nun die kurzen vnd wenig wort
des Königs Davids belanget/ lauten dieselben
also:

Ich liege/ vnd schlaffe vnd erwache/ denn
der Herr erhelet mich.

Vnd thut darinnen gemetter König zweyerley.

Eines ist/ daß er da beschreibet die 3. vnterschiede-
nen Stände seines vnd aller Menschen Lebens/ als 1.
den Zustand des zeitlichen Lebens. 2. den Zustand nach
dem Tode/ vnd dann 3. den Zustand des ewigen Lebens.

Das andere ist/ daß David auch vor meldet vnd
anzeiget/ wer derjenige sey/ der das beste im Zustande
des zeitlichen Lebens/ auch im Tode/ vnd nach dem to-
de ges

de gethan habe vnd noch thue. Erstlich sagt David:
Ich liege/ gibt damit zuverstehen den Zustand dieses
 zeitlichen Lebens / in welchen es manchsomal gibt müde
 vnd schwache Bein/ auch sonst des leibs vngesunde vnd
 abgemattete Glieder/ ja viel strauchelns/ irrens vñ schy-
 lens / denn liegen ist die Eigenschafft eines Krancken/
 schwachen vnd vngesunden / wie dazegen stehen eines
 gesunden vnd starcken.

Nun hat zwar Gott der HErr den Menschen aus-
 fenglich auffgericht geschaffen/ daß er hat für im stehen
 vnd wandeln sollen in den schönen angeschaffenen Er-
 benbilde/ das ist/ in rechtem wahren Erkenntnuß Gots
 tes vnd seiner Werck / in rechtschaffener Gerechtigkeit
 vnd Heiligkeit/ aber der Mensch ist leider/ wie Christus
 sagt/ vnter die Mörder gefallen/ die in außgezogen vnd
 geschlagen/ auch halb tod haben liegen lassen / darvmb
 liegt nun der Mensch in Sünden / vnd wird darinnen
 empfangen vnd geboren / Er liegt in Blutschulden / es
 ist nichts gesundes an im von der Hauptscheitel bis vff
 die Fußsolen hienunter : Er muß da immer im Streit
 sein auff Erden / bald da dem Teuffel / bald der argen
 schnöden Welt / bald seinem eignen Fleisch vnd Blut
 einen harten Puff außhalte/ vñ eine gefehrliche schlacht
 lieffern / in Summa es heist da liegen / wie der Apostel
 Paulus sagt / daß bey den Menschen stets vnd immer
 dar außwendig streit/ vnd inwendig furcht/ vnd letztlich
 der Tod als der Sünden gebürlichen Sold / erfolge/
 dann derselbe zu allen Menschen durch gedrungen / dies
 weil sie alle gesündigt haben.

Rom. 6.

Rom. 5.

Zum andern sagt David : **vnd schlaffe/** zeigt
 damit an vnd weist den Zustand der Menschen im to-
 de/ vñ

Christliche Leichpredigt.

7

de/vnd verglechet denselben einem Schlaf. Gleich wie
einer der/ der da krank vnd vnbas ist/ vnd in solcher
Krankheit vnd Vnbasigkeit mit schlaffen kan/schwe-
re vnd lange Zeit hat/ von Herken aber sich nach dem
Schlaff söhnet/ vnd so er zu demselben gedeyet/ auch
wioerumb besserung fühlet/ vnd vorige Gesundheit er-
langet: Eben also ist es auch mit den Menschen in dem
elenden liegenden leben hie auff Erden gethan vnd bes-
schaffen/ da ist es voller Vnrub/ wie Job sagt/ da ist/
wie Syrach beschreibet/ immer Sorge/Furcht/Hoff-
nung vnd zu lest der Todt/ so wol bey dem der in ho-
hen Ehren siset/ als bey den geringsten auff Erden/ so
wol bey dem der Seiden vnd Kron tregt/ als bey dem
der einen groben leinen Kittel an hat/da ist inmer Zorn/
Eiffer/ Widerwertigkeit/ Vnfriede vnd Todesfahr/
Neid vnd Zanck/ Aber wann es mit dem Menschen
kömpt zum sterben vnd Todt/ so kömpt er auch dessen
allen ab/ vnd ruhjet von aller seiner Arbeit/ Apocal.
am 14. Cap.

Iob. 14.
Syr. 40.

Vnd wann er da sonderlich dis zeitliche liegende
Jammer Leben in wahren Glauben an Christum/
vnd herztlicher Anrufung seines Heiligen Nahmens
beschleust/ so wird sein Todt in einen Schlaf verwan-
delt/ ja es wird viel tausentmal besser mit ime/ als es zu-
vor gewest ist. Vnd ob gleich der heiligen Schrifft ge-
wonheit ist/ das sie den natürlichen Todt aller Mens-
chen/ vnd so wol der Vngläubigen vnd Gottlosen/
als der Gläubigen vnd Gottseligen einen Schlaf nen-
net/ oder iren tod dem Schlaf verglechet/ wie in Bü-
chern der Könige vnd Chronica zusehen/ da so wol von

Ahas

Alhas vnd Alhab gesagt wird/ als von Josia vnd Josaphat dz sie sind entschlaffen/vñ der Engel des HERRN
Dan. 12. beyim Propheten Daniel nennet aller Menschen Tode
1. Thes. 4 einen Schlaff/wie auch Paul. thut/dieweil aller Leichnam
 nit immerdar im Grab bleiben/sondern dermahl
 eins durch die Krafft Gottes auferstehen sollen/deme
 viel leichter ist einen Todten aufzuwecken/als einer hie
 mit einem Schlaffenden thun kan: Jedoch wird es ge-
 meiniglich/ vñd am meisten gebraucht von der Christ-
 glaubigen sanfften vnd seligen Tode. Denn mit denen
 heist es nicht allein/das sie ruhen von irer Arbeit/ vñd
Apoc. 14. sind gerechtfertiget von der Sünde / sondern sie kom-
Rom. 6. men auch zum ruhen in iren Kammern/zum seligen vñ
Es. 56. immerwährenden Friede/da heists mit inen/ wie David
Pf. 118. sagt: Ich werde nicht sterben / sondern leben/
 vñd des HERRN werck verkündigen/der HERR
Sap. 3. züchtiget mich wol/aber er gibt mich dem todt
 nicht. Vñd Sal. Die gerechten/ sind der ge-
 wissen Hoffnung/das sie nimmermehr sterben.
 Daher dann der HERR Christus nicht allein des lairi
Mat 9- verstorbenen Tochterleins Todt einen Schlaff neinet/
 Sondern er sagt auch gar herrlich vñ tröstlich zu Mar-
Joan. 11. tha des Lazari Schwester: Wer an mich gläubet/
 der wird leben/ob er gleich stürbe/vñd wer da
 lebet vñd gläubet an mich/ der wird nimmer-
 mehr sterben.

Zum Dritten sage David: Vñd erwache/
 Zeiget damit an / vñd weiset seinen vñd allergläubigen
 Zu

Christliche Leichpredigt.

Zustand im ewigen Leben. Denn ob gleich auch die gottlosen und ungläubigen in der Krafft Gottes/ und des Leidens und Auferstehung Jesu Christi vom Tode erwachen/ vnd auffstehen werden/ wie der H. Apostel Paulus mit vielen Argumenten darthut und beweiset: Jedoch in einem viel andern wesen/ als die Gläubigen/ und Gerechten. Dann wann jene (die Gottlosen) nach ihrer Auferstehung werden des H. Christi/ als eines gestrengen Richters ansichtig werden/ werden sie dermassen erschrecken/ daß sie ruffen möchten: **Ihr Berge fallet ober uns / vnd ihr Hügel decket uns.** Aber es wird sie nichts helfen/ sie werden hierfür müssen/ Sintemal alle Menschen nach aussag der schrift werden für dem Richter Stul Jesu Christi dargestellet werden/ vnd wird ein jeglicher für sich selbst Gott müssen Rechenschaft geben/ wir müssen alda offenbar werden/ auff daß ein jeglicher empfahe/ nach dem er gehandelt hat/ bey Leibs Leben/ es sey gut oder böse. Aber dargegen diese (die Gerechten und Gläubigen) werden sich freuen/ vnd wird ihnen das erwachen nicht ein trawrigs und erschreckliches/ sondern ein fröliches vnd freudensvolles erwachen sein/ Ursach/ sie sind von hinnen abgeschieden in warem Glauben an Christum/ vnd darumb sind sie von solchem Abscheiden selig/ vnd weil sie den vor ihren Heyland erkennen/ vnd bekennen haben/ auch vff in seind gestorben/ ist auch an ihnen war worden/ vnd wird noch an allen Gläubigen war werden/ was er in selbst auff aller gewisseste zugesagt hat/ nemlich/ er wolle ihnen geben das ewige Leben/ das er ihnen verheissen/ daß sie sein vnd bleiben sollen/ wo er ist/ hat sie auch

1. Cor. 15.

Luc. 23.

Rom. 14.

2. Cor. 5.

E

ders

10 **Christliche Reichpredigt.**

derwegen bey **G**ott seinem Himmlischen Vatter emsiglich vnd inbrünstiglich verbeten.

Dahin denn David nun hier vnd anders wo gesehen/vnnd sich herzlich dieses Erwachens gefrewet/

Psal. 17. Sonderlich/da er saget: **HERR**/ich wil schauen dein Antlitz in Gerechtigkeit/ich wil satt werden/wenn ich erwache / nach deinem Bilde.

Dahin hat gesehen/vnd sich auch von Herzen darvber gefrewet der **H.** vnd geduldige Job / da er auß dem liegenden Jammerthal vnd allen seinen Nöten sich gleich als herfür geschwungen / vnd mit frewdigem vnnd frölichem Herzen vnnd Munde sich verlauten lassen:

Iob. 19. Ich weiß/ich weiß dz mein Erlöser lebet/ vñ er wird mich hernach auß der Erdē offerweckē / vnnd werde darnach mit dieser meiner Haut ombgeben werden / vnnd werde in meinem Fleische **G**ott sehen/denselben werde ich mit sehen / vnd meine Augen werden in schauen / vnd kein Frembder. Das ist nun das erwachen/der Gottseligen vnd Gläubigen/vnd die herliche freude/so auß solchem Wachen her kömpt/ vnd entspringt/vnnd sie alles vorigen erlidenen Leides / im liegenden Leben reichlichen wird ergözen. Denn zu gleicher Weisse / wie der Jenige / so sich den ganzen Tag müde gearbeitet/vnnd gleichsam seine Farbe vnnd Kräfte verloren hat/wenn er wol außschleffe / beydes wider erlanget / Also/wann wir im Todte wol werden auß-

ges

Christliche Leichpredigt

ii

geschlaffen haben / vnd durch denselben die böse Wurzel der Sünden wird ganz vnd gar abgethan / außgereutet vnd außgefegget sein / So werden wir das durch den Fall Adams verlorne Bild Gottes alle wider bekommen / wir werden zu voriger Frewde / vnd derselben Vollkommenheit wider gelangen / vnd weder auß solchen wider vollkommen erlangten Bilde noch auß der Frewde entfallen / sondern beydes in alle Ewigkeit behalten. Dahin vns weist der Heilige vnd hocherleuchtete Prophet Esaias / da er an Gottes statt alle gläubige vnd außgewelte Christen also anredet / vnd spricht:
Sihe / ich schaffe einen neuen Himmel / vnd eine neue erde / daß man der vorigen nit mehr gedenccken wird / noch zu Herzen nehmen / sondern sie werden sich ewiglich frewen / vnd frölich sein ober dem / daß ich schaffe / denn sihe / ich will Jerusalem schaffen zur wonne / vnd jr Volck zur Frewde / vnd ich wil frölich sein ober Jerusalem / vnd mich frewen ober mein volck / vnd solte nicht mehr darinnen gehört werden die Stimme des Weinens / noch die Stimme des Klagens.

Es. 65.

Ist eins das er hie thut.

Zum andern / setzt er auch hinzu / vnd saget:
Denn der HERR erhelte mich / Zeiget darinnen an / wie der Jenige sey / der vns von dem Liebes

E ij

ges

gen zum schlaffen vnd erwachen / vom Fluch zum Seggen / von der Sünde zur Gerechtigkeit / vom Tode zum Leben / vnd von der Helle zum Himmel gebracht habe / nicht wir vns selbst / denn dazu sind wir viel zu schwach / Sondern der Herr / verstehet nach art der Hebräischē Sprach nicht einen gemeinen Herrn / wie offft die menschen auch Herrn genennet werden / sondern den rechten Jehova / den Gott vnsern Schöpffer / vnsern Erlöser vnd Seligmacher / vnsern Heiliger vnd Erleuchter / Leiter vnd Führer / denn der ist / der sich vnser erbarmet / vnd vns seinen einigen vñ herzallerliebsten Sohn zum Mittler vnd Heiland / zum Erhalter / ja zum Weisster zu helfen hat geschencket vnd gegeben. Der ist das Wort des ewigen Vaters / der vmb vnser willē Fleisch worden / vnd in solchē seinē Fleisch das ganze menschliche Geschlecht vom liegen / von Sünd / Todes / Teufels vnd der Hellen Gewalt erlöset / vnd der vns noch erhalt im Hospital dieser Welt bey der Christlichen Kirchen / vnd vermittelst seines heiligen Worts vnd der heiligen hochwürdigen Sacrament / bey welchen der heilige Geist ist krefftiglich / wirckt die reinigung vnserer Sünden / vnd die Speisung vnd Trinckung / in Stärckung vnd Erhaltung zum ewigen Leben. Er ist auch derjenige der vns im schlaff / im Tod vnd Grabe erhalt / der den Tod seiner Heiligen / hoch / teuer / vnd wertachtet / der alle ire Bebeine bewahret / vnd schafft / daß der nicht eines zubrochen werde. Er ist auch endlich derjenige / der vns vom Tode vnd schlaff wird auffwecken / vnd in die ewige Ruh / die er bereuet hat / einführen.

Esa. 63. Der mit dem Feldgeschrey / vnd mit der Stimme des Erzengels vnd mit der Posaunen Gottes wird hernieder

Esa. 63.

Iohan. 1.

Psal. 116.

Psal. 34.

Hebr. 4.

1. Thes. 4

des

Christliche Leichpredigt. 13

Der kommen vom Himmel / da die Todten werden zu
erst auffstehen / vnd so dann auch die / so noch leben vnd
vberbleiben / werden mit denselben zugleich hingeruckt
werden in den Wolcken dem Herrn entgegen in der
Lufft / vnd werden also sein bey dem HERRN
allezeit.

Der ander Theil.

Nach dem wir nun gehöret haben / wie
David da die dreyerley Zustände der Mens-
chen in diesem irrdischen Leben / im Tode / vnd
im ewigen Leben beschrieben / auch angezeigt / wer das
beste bey vns Menschen in solchen Ständen gethan
habe vnd noch thue / wollen wir nun auch die Applica-
tion auff vns vnd vnsern selig verstorbenen vnd sanfft
in Gott ruhenden Landesherrn machen / vnd zwar wir
die wir noch leben / vnd hinder J. G. (wer weiß wie lang
geblieben sind / haben zu lernen / wohin wir vnser
Gedanken richten / vnd was wir vornemlich bedencken vñ
vns zugemüth ziehen sollen / wann wir auch mit dem
Königlichen Propheten David vnd andern Heiligen
dieser Welt den rücken kehren / dieselbe mit einem fröli-
chen vnd seligen abschied gesegnen / vnd vns keines we-
ges vor dem Tod fürchten noch entsetzen wollen.

Erstlich ist von nöhten / daß wir sehen auff vns
selbst / vnd bedencken / wohin wir kommen vnd geraten
sind durch den Fall vnserer ersten Eltern.

Überaus selige Leut sind vnser erste Eltern gewes-
sen vor dem Fall / also / daß sie mit Gott dem Herrn ges-
wandelt haben vnd vmbgangen sind von Angesicht

Ephes. 4.

zu Angesicht / haben die freundlichsten vnd lieblichsten Colloquia vnd Gespräch mit jme gehalten / vnnnd da ist vnsern ersten Eltern die Gegenwart vnd Stüme Gottes nicht schrecklich vnd vnträglich / auch nicht tödlich gewesen / wie jetzt / leider / nach dem Fall / vrsach / Es hat vor dem Fall in dem Menschen geleuchtet / vnd ist noch in jme gewesen das schöne Ebenbild Gottes / nach welchem er anfänglich erschaffen worden / vnd ist nichts anders gewesen dann rechtschaffene Gerechtigkeit vnd Heiligkeit / wie der Apostel Paulus solch Ebenbild fein runt vnd kurz beschreibet : Es hat auch der Mensch in solcher Gerechtigkeit vnnnd Heiligkeit / Gott recht erkennen nach seinem Wesen vnd Willen / vnd hat also mit jme in Ewigkeit sollen leben / dan Gott / sagt Salomon / hat den Menschen geschaffen zu ewigen Leben / vñ hat in gemacht zu Bilde / daß er gleich sein soll / wie er ist.

Sap. 2.

Rom. 6.

Aber diß schöne Ebenbild Gottes ist durch den kläglichen Fall vnserer ersten Eltern / jämmerlich verlohren vnnnd verstorret worden / vnnnd an desselben statt durch einen erbärmlichen vnd hochschädlichen Wechsel erfolget die verfluchte Sünde / erb vnnnd wirklich / vnd auff dieselbe der Todt / als jr gewisser vnnnd gebürender Sold / vnnnd nicht allein der zeitliche / sondern auch der ewige vnd andere / der Hellen Verdammuß.

Rom. 3.

Vnd daher kömt das liegen aller Menschen / von deme David hie saget / das ist / daß alle Menschen Sünder sind / vnnnd mangeln des Ruhms / den sie an Gott haben sollen / vnd daher müssen auch alle Menschen dem Tode herhalten vnnnd vnterworffen seyn / Vrsach / die verfluchte Sünde ist nicht allein kommen vber vnser erste Eltern Adam vnd Eva / sondern auch auff alle Menschen / als jre Nachkommen geerbet / sins

Christliche Reichpredigt.

15

semal die Menschen alle mit einander dazumal gleich
als in Adams Leib vnd Lenden gestreckt / vnd daher
bringen wir nicht mit vns auff die Welt das jenige E-
benbild Gottes / zu welchem der Mensch anfänglich ges-
chaffen ward / sondern / wie geschrieben stehet / Adam
zeugete einen Sohn nach seinem Bilde / das ist / sünd-
haftig vnd Verderbt / wie er war / dieweil er das vorge-
meldte Ebenbild Gottes verlohren hatte.

Gen. 4.

Vnd ob wol er begunte widerumb durch den H.
Geist eraewert zu werden / vnd nach dem Geist / vnd in-
wendigen Menschen / das Ebenbild Gottes an jm nach
vnd nach wurde auffgerichtet / jedoch / weil er nicht nach
dem Geist / sondern nach dem Fleisch / darinnen die Erb-
sünde steckend bleibet / kinder zeuget / so künnte demnach
sein Sohn nicht nach Gottes Ebenbilde gezeuget sein /
sondern müste heissen: Adam zeugete einen Sohn nach
seinem Bilde / vnd also werden wir noch heut zu tag alle
gezeuget vnd gebohren.

Darauf denn erscheinet / das etlicher Calvinisten
Lehr falsch vnd vnrecht sey / in dē sie vorgeben / der gläu-
bigen vnd widergebornen Christen Kinder seyen auch
gläubig / heilig vnd widergeborn von Mutterleib. Den
Johannes sagt: Das Kinder Gottes nit geboren wer-
den vom Geblüt / noch vom Willen des Fleisches noch
vom Willen des Mannes / sondern auß Gott. Vnd die
Christliche Kirch singet recht: Durch Adams Fall ist
ganz verderbt / re. dasselb Gift ist auff vns geerbt / vñ dē
bezeuget auch die erfahrung / sintemal die gottseligen vñ
gläubigen eben so wol müssen liegen im Lazaret vnd Hos-
pital der Sünden / vñ auch dē Todt herhalten / vñ sich
von derselben auff freffen lassen / als ebē die gottlosen vñ
vngläu-

Ioh. 1.

Super c.
14. Gen. vnglaubigen/doch in dem vnterscheid / wie vnser HERR vnd Vatter Lutherus sagt/das der Gottlosen Liegen ist ein Carcer furiosorum, das ist/ ein Kercker/ darinnen lauter vnfinnige Leute gefangen liegen/ da gegen frommer Christen liegen ist ein Lazaret / darinnen geistliche arme/francke vnd gebrechliche Personen sind / vnd die rechte Hülffe suchen/bitten vnd begeren/davon wir fer-
ner hören wollen.

2. Tim. 1. Dann wann ein Mensch also sich selbst vnd sein liegen hat erkennet/ So ist zum andern auch von Nö-
ten/ das er sehe/auff den HERRN/der vns vom liegen zu Schlaf bracht hat/das ist/ von dem zergenglichen wes-
sen des zeitlichen Lebens zum Stand der jnnmerweren-
den/vnzer genglichen vnd ewigen Himmel Freude.

Pater. Der ist nun niemand anders / als vnser lieber
GOTT vnd Vatter im Himmel/der vns auß lauter gü-
te / Gnad vnd Barmherzigkeit/ohne vnser Verdienst
vnd Wirdigkeit hat geschenckt/vnd gegeben seinen en-
nigen vnd allerliebsten Sohn / vnd denselben vns für-
Rom. 3.
Colos. 2.
2. Tim. 1. gestellet zu einem Nitler vnd Gnaden Thron durch dē
Glauben/in seinem Blut/ vnd hat vns in denselben ge-
schencket alle Sünde / vnd vns hierober beruffen/ mit
einem Heyligen Ruff/ nicht nach vnsern wercken/ son-
dern nach seinem Vorsatz vnd Gnade/die vns gegeben
ist/ in Christo Jesu/vor der Zeit der Welt.

Filius. Der ist niemand anders / als vnser lieber HERR
vnd Heyland Jesus Christus/auff den GOTT der Vatter
das liegen/das ist/alle vnser Sünde/ sampt dersel-
Esa. 53.
1. Pet. 2.
apoc. 5.
Esa. 7. ben Straff geworffen/ vnd der sie auch willig vnd gern
auff sich genommen/vnd hat sie selbst geopffert auff sei-
nem Leib auff dem holtz. Der ist der Löw auß dem stamm
Ihu

Christliche Reichpredigt.

17

Da/ die Wurzel Davids/ der zwey-stämmige Held/ der von keiner Sünde gewust/ auff das wir wurden die Gerechtigkeith die für im gilt.

Esa. 9.

2. Cor. 5.

Vnd das meinet nicht allein hie David/ da er denjenigen/ der vns erhelt/ den rechten Jehova vnd Herrn nennet/ Sondern die heilige Göttliche Schrift treibe das hefftig hin vnd wider/ das nicht ein bloßer Mensch/ sondern Gottes Sohn selbst vns mit seinem Leiden vnd Sterben von Sünd/ Tod vnd Teuffel erlöset hat. S. Petrus spricht zu den Jüden/ daß sie den Fürsten des Lebens getödtet haben. Der Fürst des Lebens ist Gott/ Nemblich/ das wesentliche Wort des Vaters/ oder der ewige vnd allmechtige Sohn Gottes/ der von den Jüden erwürget worden nach dem Fleisch/ in welchen sie doch nicht einen Menschen/ sondern den Herrn der Herrlichkeit gecreuziget haben. Vnd daher sagt Paulus an einem andern Ort. Gott habe mit seinem eignen Blut seine Gemeine erlöset/ der Sohn Gottes habe sich selbst für vns dahin gegeben/ Gott habe seines einigen Sohns nicht verschonet/ sondern für vns alle dahin gegeben.

Act. 3.

1. Cor. 2.

Acto. 20.

Gal. 2.

Rom. 8.

Denn ob wol leiden vnd sterben/ gecreuziget vnd getödtet werden/ nicht Eyzenschafften sind der Göttlichen/ sondern der menschlichen Natur/ jedoch weil die Menschheit in Christo des Sohns Gottes persönlich eigen/ vñ der Sohn Gottes vnseres Fleisches vnd Blutes theilhaftig worden ist/ gleichermassen/ wie wir/ doch ohne Sünde/ so ist vnd heist des Herrn Christi Leiden/ Creuz vnd Tod/ Gottes Leiden/ Creuz vnd Tod/ vñ ist daher erfolgt/ die so gar mechtige vnd kräftige Erlösung/ die vber alle welt gehet. Dieser Sieg ist so stark

Hebr. 2.

D

vnd

1. Joh. 1.
Dan. 9.

Phil. 1.

Ephes. 1.

Spiritus
sanctus.

vnd kräftig/das alle gläubigen seiner genießen können/
weil nicht blosses Menschenblut/sondern Gottes Blut
vergossen / vnd wir dadurch von Sünden gereiniget
werden. Es ist dadurch den Übertretern kräftiglich ge-
weret/ die Sünde zugesiegelt / die Missethat versünet/
vnd die ewige Gerechtigkeit herwider gebracht. Vnd
das hat der Sohn Gottes Jesus Christus erworben
vnd zuwegen gebracht/da er sich in dieser Welt für vns
in das liegen begeben/das ist/ vnser armes Fleisch vnd
Blut (doch ohne Sünde) an sich genommen vnd in
demselben Gott seinem himlischen Vater gehorsam
worden bis zum Tode/ ja bis zum Tode am Creuz/da
er auch geschlaffen/vmb vnser willen gestorben vnd be-
graben worden / vnd da er wider aufferwachtet / das ist/
vmb vnser Gerechtigkeit willen widerumb von Todten
erstanden / vnd darauff sich gesetzt zur Rechten seines
himlischen Vatters/vber alle Fürstenthumb/ Gewalt/
Macht/ Herrschafft/ vnd alles/ was genant mag werde
nit allein in dieser Welt/ sondern auch in der zukünftigen/
das fasset die Christliche Kirch alles zusammen/da
sie zur Osterlichen Zeit singet: Jesus Christus Gottes
Sohn / an vnser Statt ist koften / vnd hat die Sünde
abgethan / damit dem Tod genommen all sein Recht
vnd sein Gewalt/ da bleibet nichts denn Todes gestalt/
den Stachel hat er verlohren.

Der Herr ist Gott der H. Geist / der von Christo
zeuget beydes öffentlich im Predigampt/vermittelst des
worts vnd der H. Hochwürdigen Sacrament/vnd daß
auch innerlich zeugnuß des H. Geistes die H. Schrifft
nennet den Herrn Christum verklären / vnd ist nichts
anders/daß die Versieglung der Gnaden Gottes/waß
ein

Christliche Reichpredigt.

19

ein mensch auß dessen wort weiß / daß er einen gnedigen
Gott im Himmel habe vmb Christi willen / zu welchem
er auß rechtem Kindlichen vertrauē ruffen vnd sich als
ler Gnaden zu ihm versehen darff. Wie dahin sihet / vnd
von diesem Zeugnuß redet der H. Apostel Paulus / da er
sagt. Ir habt nit einen knechtlichen Geist empfangen /
daß ir euch abermal fürchten müßet / sondern ihr habt
empfangen den Geist der Kindschafft / durch welchen
wir ruffen / Abba lieber Vater / derselbe Geist gibt Zeug
nuß vnserm Geist / daß wir Kinder Gottes sind / sind
wir denn Kinder / so sind wir auch Erben / nemlich /
Gottes Erben / vnd Mitterben Christi.

Rom. 8.

Gal. 4.

Dannher dan frohne vnd gläubige Christen sich
für dem Tode nit zu fürchten noch zuentsetzen / sondern
viel mehr zu freuen vnd zu trösten haben / weil wir des
liegens / das ist / alles vbel vnd Jammers abkommen /
vnd dadurch zum sanfften Schlaff kömen vnd gedeyen.
Denn ist's nicht war? Nie müssen wir vns schleppen mit
der Sünden biß in Tod vnd ins Grab hinein / Kreuz /
Noth vnd widerwertigkeit komit vns mehr zu Ha. 6. vnd
hoff als vns lieb ist? Aber nach dē sanfften Tod in was
ren glauben an vnserm Heiland kömen wir zur ruh vnd
Schlaff / denn wir gehn in vnserer Kammer / vnd ruhen eis
nen Augenblick biß der Zorn Gottes für vber gehet. Da
her sagt die stünne vom hüffel zu Johanne: Schreibe / w
soler schreiben? Seelig sind die todten / die im Herrn
sterben von nun an / ja / der Geist spricht / daß sie ruhen
von ihrer Arbeit / denn ihre Werck folgen inen nach.
Wann einer da lieget im Schlaff / so fraget er nichts
darnach / was man da vorhabe / ob es mit lachen oder
weinen zugehe / ob man esse oder trincke / er lessets
D ij gut

Esa. 26.

Apoc. 14.

- gut sein. Also die selig verstorbenen bekümmern sich nicht darumb/was die Keger vnd Tyrannen vorhabē vñ rathschlagen/sie lassens Gott waltē. Der da schleffet/er wacht offte plötzlichen / vñnd befindet sich nach dem Schlaff lustiger vnd thätiger zu allen Sachen: Eben also werden wir offte vom Tode hinder schlichen/vñnd vbereylet/ehe wirs gewar werden/vñnd wann wir vom Tode wider zum ewigen Leben werden erwachen/werden wir viel geschickter vñnd fertiger sein zu allen guten Wercken/zu welchen vns Gott anfenglich erschaffen hatte. Da werden wir die erlöseten des HERRN vnser Erhalters wider kommen/vñnd zu Zion einkehren/mit Jauchzen / ewige Frewde wird vber vnserm Haupte sein/frewde vnd Bonne wird vns ergreifen/Schmerzen vnd Leid wird weg sein müssen / da soll nicht mehr die stime des klagens vnd weinens gehört werden/sondern wir werde vns frewē mit vnaussprechlicher vnvergleichlicher frewd/wir werde sein in rechter himlischer frewd/die kein Aug gesehen/kein Ohr gehöret/vñnd in keines Menschen Herz nie kommen ist. Dahin hat gesehen/sich wider den Tode getröstet / der Welt dagegen den Rücken gekehrt/der H. Job/da er gesagt: Ich weiß daß mein Erlöser lebet. Wie dieser Spruch ist oben angezogen worden. Daher hat der H. alte Simeon sein sterben vnd todt eine Friedefart genennet/Paulus eine Auflösung vñnd ein drauff folgendes beywesen bey Christo.
- Obiectio**
I. Möchte einer hie Gedencen/einreden vñnd sagen: Ja/ich höre es wol/was wir vor einen Herrn haben/wie der vns vom liegen zum Schlaff hat bracht/vñ wil vns noch bringen von dannen zum erwachen/vnd
zur

Christliche Reichpredigt

21

zur ewigen Seligkeit? Aber wie komme vnd gelange ich
darzu? Höre/ mein lieber Christ/ vnser HERR GOTT
hat je vnd allweg den Gebrauch gehabt / daß er die Er-
lösung seines Sohns den Menschen hat geoffenbaret/
durch sein Wort/ vnd durch sichtbarliche vnd eusserliche
Zeichen/ Als bey den ersten Eltern in der Gnaden ver-
heissung/ war das Wort: **Der Weibes Samen**
sol der Schlangen den Kopff zutreten. Hat sie
daneben bekleidet mit Röcklein von Lammfellen/ damit
anzuzeigen/ der Weibsamens würde sein das rechte vn-
schuldige Schlächtlemblein GOTTES / daß der ganzen *Ioh. 1.*
W. t Sünde tragen/ büßen vnd bezahlen würde.

Die andern H. Erb Vätter haben dergleichen
Wort/ vnd eusserliche Zeichen gehabt: Aus vielen nur
eins zuerzelen/ ist das sonderlich denckwürdig / daß wir
lesen in der Histori des H. Ervatters Jacobs/ da ders-
selbe fest gehalten am Wort der Verheissung / kömpt
auch darober in Noth vnd Verfolgung/ also daß er vor
seinem Bruder Esau muß fliehen auß Canaan in Mes *Gen. 28.*
sopotamiam/ kömpt in der ersten Nacht an einen unbe-
kanten Ort/ ligt da vnter dem hellen Himmel/ ein har-
ter Stein/ muß sein Haupt küssen sein/ Aber der HERR
davon wir gehört haben/ erhelt ihn/ also daß er jme da
seine Gnad vnd Barmherzigkeit/ vnd die noch gewisse
Erfüllung seiner Verheissung vnd Weibsamens zeis-
get/ vnd weist in einer Leiter/ die vff der Erden gestan-
den/ vnd doch von derselben durch die Wolcken hina-
durch biß in den Himmel hinein gelangt vñ gereicht/ vnd
ist oben drauff Gott gestanden/ hat sich hören lassen mit
herrlichen Worten/ darinnen er die Verheissung vom
Weibsamens jme erneuret/ Es sind darauff die Ens-

D iij

ge

Ioh. 1.

Ioh. 14.

Ioh. 6.

gel Gottes vff vñ ab gestiegen/welches der Herr Christus auff sich vñnd seine gläubige Christen zeucht/ da er sagt: Warlich/warlich ich sage euch/ von nun an werdet jr den Himmel offen sehen / vñnd die Engel Gottes (das ist/alle Gläubige) hinauff vñnd herab fahren anff des menschen Sohn. Vñnd drümb nennet er sich den Weg zum ewigen Leben/Daher sagt er: Niemand kompt zum Vater/denn durch mich.

Diese Leiter hengeret nun am Himmel/das ist/es ist schon der Weg durch Christum zum Himmel bereit/ Aber weil wir von Natur so blindt sind/das wir vñ vns selbst den Weg zum Himmel nicht mögen finden / So bedürffen wir darzu des H. Geistes / der die Thür vnserer Herzen eröffnet. Welches dann geschieht/wann der Heilige Geist durch die Widergeburt in der Heiligen Tauff/durchs gepredigte Wort / vñnd durch den Gebrauch des Heiligen hochwürdigen Sacraments/seines (des H. Christi) Leibs vñnd Bluts den Glauben in vns anzündet/wirkt/vermehrt / erhelt / vñnd dieser glaub vermag alles/er gibt/nimpt/vñnd empfeht alles/wz zu vnserer ewigen Seligkeit nützlich vñnd nötig ist.

Das Wort mustu nun hören/ der Sacrament dich in warer Buß vñnd Glauben gebrauchen/ dem Jesuigen/was dir Gottes Wort verheisset/vñnd zusagt/ festiglich trawen vñnd glauben/vor recht gut vñ warhafftig halten/wenn es gleich ist vber/vñnd wider alle Vernunft. Denn durch dasselbe (sein wort) kan Gott vberschwenglichthun vber alles/dz wir bitten vñnd vermögē/auff das wort müssen wir mehr acht haben/ als auff alle

les

Christliche Reichpredigt.

33

le menschliche vernunft/ Kunst/ weißheit vnd Geschick: *Pf. 19.*
ligkeit/ Es ist ein wort der Himlischen vnd Göttlichen *Ioh. 14.*
weißheit/ welche aller welt weißheit zu nicht vnd schan *Ioh. 6.*
den macht. *I. Cor. 1.*

Ja möcht einer ferner sagen/ ich hör es wol/ aber wer *Obiectio.*
weiß ob michs auch angehe/ der H. Christus sagt selbst: *II.*

Viel sind beruffē/ aber wenig sind außewelt.

Nun aber werden nur die außewählten der Seligkeit theilhaftig/ Wer weiß aber/ ob ich auch vnter der Zahl der Außewählten bin? Höre mein freund/ diese vñ andere Gedancken vñ der erwehlung vnd ewigē Versehūg köñen nirgend anders woher / deñ auß des leidigē Satans Lerchensfelde/ dahin er gern alle Menschen führen/ vnd zur verzweiflung an der gnad vnd barmherzigkeit Gottes treiben wölte/ vñ wann ein mensch den vnnütze vnd vnnötigen Gedancken von der ewigen gnadenwal vnd verschung ohn vnd außers Gottes wort nachhengt/ so kan es nit fehlen/ er muß sich vertieffen. Wie dan die Calvinischen thun / in dem sie lehren/ vñ vorgeben/ Gott der Herr hab von Anfang her etliche menschen erwehlt/ vnd darnach erschaffen/ an welchen er seine gerechtigkeit vben vñ sehen lassen wölle/ vñ dieselben müssen verlohren vñ verdampt werden/ sie thun auch gleich was sie wollen. Dagegen habe er auch andere vñ anfang her erwehlt/ vnd nachmals erschaffen/ denen er seine Gnad vnd barmherzigkeit wolle widerfahren lassen/ vñ dieselben müssen auch selig werden / sie leben gleich wie sie wollen.

Ist eine schreckliche lehr/ vnd vff vielerley weiß Gottes Wort entgegen / vnd zuwieder/ kan derwegen auch nit bestehen/ vnd gibt vber dz vff einer entweder gottlose
vnd

24 **Christliche Reichpredigt.**

vnd Epicurische Verachtung Gottes vñ seines Wortes / vñ
 der aber vff der 2. Seiten schreckliche Verzweiffelung.
 Dagegen aber soll gemercket vnd in acht genommen
 werden / daß die außgewählten nit allein sind / wo Got-
 tes Wort rein vnd lauter gelehret vnd geprediget / vnd
 die heiligen hochwürdigen Sacramenta / nach des
 Herrn Christi Stiftung vnd Einsetzung administrirt
 vñ außgetheilet werden / sondern auch mitten vnter
 den Jüden / Türcken / Heiden vnd andern vngläubigen
 Völkern / welche Gott der Herr kennet / ob wir sie
 gleich nicht kennen / wie offenbar auß der Histori Elia /
 vnd auß dem Spruch des Apostels Pauli : Der feste
 Grund Gottes bestehet / vnd hat den Siegel / der Herr
 kennet die Seinen. Vnd da heists : Wer Gott fürchtet
 vnd recht thut / der ist ihm angenehm. Vnd : Es ist kein
 Vnterscheid vnter Jüden vnd Griechen / Er ist aller
 zumal ein Herr / reich vber alle / die in anrufen / denn
 wer den Nahmen des Herrn wird anrufen. sol selig
 werden.

1. Reg. 10.
 2. Tim. 2.

Act. 10.

Rom. 10.

Wird dargegen keiner außgeschlossen von der Sel-
 ligkeit / denn wer sich selbst außschleust / durch Vnglaus-
 ben vnd Verachtung Gottes vnd seines Wortes. Das
 Ezech. 33 gegen heists : So war als ich Lebe / spricht der
 Herr Herr / Ich habe keinen Gefallen am
 Tode des Gottlosen / sondern daß sich der
 Gottlose bekehre von seinem wesen / vnd lebe.
 Ja Gott wil / daß allen Menschen geholffen werde /
 vnd zur Erkänntniß der Wahrheit kommen / vnd Gott
 hat Gedult mit vns / vnd wil nicht / daß jemand verloh-
 ren werde / sondern daß sich jederman bekehre vnd lebe.
 Item /

1. Tim. 2.
 2. Pet. 3.

Christliche Reichpredigt.

25

Item / Kompt her zu mir alle die ir mühselig
vnd beladen seid / Ich wil euch erquicken / Es
ist erschienen die heilsame Gnade Gottes al-
len Menschen.

Sehet / lieben Christen / das ist die Lehr / die wir wis-
sen vnd punctiren müssen / wann wir der Welt den rü-
cken zukehren / vnd dermal eins dieselbe mit einem frö-
lichen vnd seligen abschied gesegenen wollen / auch zu
Gott kommen / vnd mit im ewig Leben. Welche Lehr der
Herr Christus nennet die bessere Gerechtigkeit / vnd al-
ler selbst ertichten Gerechtigkeit vorzuecht / auch ir das
Himmelreich zuspricht. Vnd das dem also sey bezeugen
viel Exempla der heiligen / frommen vnd gerechten
in Göttlicher Prophetischer vnd Apostolischer schrifft /
aber wir bedürffen derselben (weil sie zu anderer Zeit an-
gezogen vnd eingeführet werden) auff jesigesmal nicht.
Wir haben dessen ein merckliches vnd augenscheinli-
ches Exempel an dem weiland Wolgeborenen Ed-
len Herrn / Herrn Heinrichen dem Nütlern /
Neussen / Herrn vñ Plawē / Herrn zu Greitz /
Grañichfeld / Gera / Schleitz / vñ Lobenstein /
vnserm gnedigen Herrn / welcher heut vor vierzehn
tagen / als am 8. Februarij sanfft vnd selig in wahrer
anruffung Jesu Christi des vns erhaltenden Herrn
auß diesem Jammerthal abgeschieden / vñnd auß dem
liegen zum schlaffen kommen / auch zu seiner Zeit zum
erwachen / samt allen Gläubigen vnd außgewählten mit
Fröligkeit vnd Frewden wird gedenen.

Matt. 5.

Vnd ich hab mir zwar zu diesem mal nicht vorge-
nommen

nommen zuvermelden/ vnnnd anzuzeigen/ auß was her-
lichen stamm/ vnd von was vornemen Christlichen Eltern
J. G. gezeugt vnd geborn/ vnd wie löblich vnd Christo-
lich dieselbe sich erzeigt vnd verhalten/ (welchs ohn das
allen vnter vns bekant/ vnd verhoffentlich/ vff den Tag
da J. G. Leichnam zu seinem ruhbettlein wird gebracht
werden/ nach notturfft geschehen wird) sondern nur ab-
lein/ wie J. G. in letzten liegen vnnnd sterbstündlein sich
verhalten/ was vor ein bekentnuß sie gethan/ vnnnd dar-
auff sanfft vnd selig eingeschlaffen.

Liegen.

Anfänglich hat nunmehr der seligverstorbene/ vnnnd
in G. Ott sanfft ruhende Herr frey rund vnd vnverhor-
len erkennet/ vnd bekennet die Leibschwachheit / damit
er belastiget sey von Gott/ vnd hab auch solche mit vielen
Sünden vnd vbertretungen gar wol verdienet. In sol-
chen Sünden aber ist er nicht verzweiffelt/ sondern hat
denselben entgegen gesetzt/ das bittere Leiden vnd Ster-
ben Jesu Christi vnser Herr vnnnd Heilandes/ vnnnd
ist der gewissen Hoffnung/ standthafftigen Zutrauens/
vnd vnverrücktes Glaubens vnd Trosts gewesen/ Alle
seine Sünden seyen ihm vmb solches Verdiensts vnnnd
Gehorsams willen aus Gnaden verziehen vnnnd verges-
sen. Hat darauff seinen Willen in Gottes gnedigen
vnd allzeit guten vnd gerechten willen gestellet/ ob Gott
widervmb gute Gesundtheit verleihen / vnnnd lenger hie
auff Erden zuleben verstaten wolte/ vnnnd da es je nicht
könnte sein/ Sondern der Getreue G. Ott wolte ist mit
im zur Auflösng schreiten/ vnnnd auß dem Liegen zum
Schlaffen bringen / das ist / auß diesem zergenglichen
Jammerthal durch den zeitlichen Todt abfordern / so
were

Schlaf-
fen.

Christliche Leichpredigt.

27

were er dazu vnerschrocken / entsetzte sich ganz vnd gar nicht vor dem Todte / in gewisser vnd vnverzweiffelter Hoffnung / er wolle da zur Ruhe vnd Friede kommen in sein Kämmerlein / vnd auff den Jüngsten Tag widerumb zu ewiger frewd vnd Seligkeit erwachen. Hat darauff nicht allein den Getrewen J. G. die herglichen vnd inbrünstiglich angeruffen vnd gebeten / das derselbe durch seinen H. Geist den Glauben in ihm wolte stercken / vnd in solchem sampt der Gedult / Trost / Lieb vnd Hoffnung bis zum seligen Abdruck bestendig erhalten / sondern es hat auch J. G. iren geliebten Herrn Brüdern / vnsern Gnedigen lieben Landes Herrn / sampt deroselben geliebten Gemahlin Christlich / tröstlich vnd freundlich gesegnet / vnd sich außdrücklich in solchen nachfolgenden Worten vernemen lassen : Ich stehe lieber Bruder in vngezweiffelter Hoffnung / ob wir wol vns hie scheiden / so wollen wir dennoch in kurzen einander wider sehen / vnd in ewiger Freude zusammen kommen. Sehet / lieben Christen / also / oder mit solcher stantthaffter / rechtglaubiger vnd Christlicher Confession vnd Bekentnuß hat vnser weiland vor wolgedachter Gnediger / vnd nunmehr in Gott sanfft vnd selig ruhender lieber Herr sein Liegen hie vff erden sollendet / also ist er zum schlaffen kommen (wie denn J. G. zum letzten sanfftsten Todteschlaff mit einem leiblichen schlaff gleich als hintergangen worden / das alle vmbstehenden nicht mehr / denn ein schlaffen haben spüren / vnd mercken können) vñ er wartet nu zu seiner zeit / des seligen vnd freudenreichen erwachens / mit allen Christgläubigen zum ewigen Leben.

Es. 26.
Erwachen.

Wir

Wir wissen auch/ vnd sind dessen ungezweifelt versichert/ die Seel vom Körper gerissen vnd geschieden durch den zeitlichen todt sey in Gottes Hand/ in der schoß Abraham/ ja bey ihrem Erlöser vnd erhalter Jesu Christo im Himlischen Paradeiß/ vnd ist ist schon nach der seel ein Bürger vnd Einwohner des ewigen Lebens/ bis so lang der Herr Christus dermal eins den ist natürliche vnd verweslichen Leib wird verwandeln/ in einen geistlichen vnd unverweslichen/ vñ dazu mit vnaussprechlicher Klarheit vnd Herrligkeit zieren vñ schmücken.

Vnd weil gedachter vnser lieber seliger gnediger Herr solches Bekenntuß daher nicht gehabt/ daß er von vornehmen/ ansehenlichen vñ Herlichen Eltern geboren/ Sondern dz er sich nicht allein für seine Person fleissig gebt in Gottes wort/ dasselbige mit andacht in den öffentlichen Predigten gehört/ fleissig daheim gelesen vnd betrachtet/ zu herten gefast/ vñ mit dem Königlichen Propheten David ihme viel lieber sein lassen/ denn viel tausend stück Golds vnd Silbers/ sondern auch das J. G. Ampts vñ standes wegen (darein sie Gott der Herr gesetzt) die Göttliche warheit befördert/ reiner Lehr vñ bekentnuß nachgetrachtet/ auch bey iren Vntertanen solche zubefördern sich bemühet/ dagegen aller Falschheit feind gewesen/ vñ mit solchen nicht gemeinschaft gehabt: Sollen wir auch billich solchem exempel nachfolgen/ vñ vns zu gleichem fleiß/ Andacht/ auffmerksamkeit/ vñ wie eines jeden Beruf mit sich bringet zur beförderung der Göttlichen warheit ermuntern vñ erwecken/ wollen wir anders dermal eins von vnserm liegen auch zu sanften schlaffen/ vñ so sie dann zum fröhlichen erwachen kommen vñ gedeyen/ darzu vns denn

gnes

1. Cor. 15.

Ps. 119.

Ps. 20.

Christliche Leichpredigt.

29

gnediglich vñ mildiglich die heilwürdigen Mittel durch
vnser ganzes Leben verleihen / dieselben in vns kressstig
machen / vnd zu seiner Zeit auß allen nöten zur Himli-
schen fremd allergnedigst verhelffen wolle / **G**ott Vater
/ Sohn / vnd H. Geist / die ewige / einige / hochgebene
deute vñ unzertrenliche Dreyfaltigkeit / welcher sey lob /
Ehr vnd Preis gesagt / von nun an / bis in alle Ewigkeit.
Amen.

Gebet nach der Predigt.

Dewiger gütiger H. Erre Gott / wir sa-
gen dir Lob / Ehr vnd Danck / für alle
deine Gnade / Gaben vnd wolthat / die
du vns von anfang vnsers Lebens bis auff ge-
genwertige Stunde erzeiget vnd beweiset
hast / vnd noch täglich erzeigest vnd beweisest /
vnd bitten dich demütiglich / du wöllest vns
solche Gnad vnd Wolthaten erkennen vnd
anwenden lassen / zu deinem Lob / Ehr vnd
Preis / zu deiner Kirchen Erbauung zu Nutz
vnsers nechsten / vnd zu unserer zeitlichen vnd
ewigen Wolsahrt / vnd damit solches bey vns
möge geschehen / vnd vollbracht werden / so
erhalte vns / o trewer Vatter / bey deinem / rei-
nen vnd wahren Wort / vnd bey dem rechten
Gebrauch der heiligen hochwürdigen **Sa-**

E iij

ra

crament / Schutze vnd Beschirme vns wider
 alle Tyrannen vnd Wütteriche / wider alle
 Kotten vnd Secten / sonderlich aber wider
 deines heiligen Namens Erb vnd Erbsfeinde
 den leidigen Türcken vnd Papst / gib vns ja
 nicht vnter ire abgöttische / verführische / ma-
 hometische vnd Alcoranische Irrthumb / rafe
 se vns viel mehr durch einen sanfften vnd se-
 ligen Tod auß diesem Jammerthal hinweg /
 Vnd nim vns auff in deinen Freuden Saal /
 dann es ist besser in deine / als in der menschen
 hände fallen.

1. Par. 22

Segne vnser liebe Obrigkeit / erhalt sie
 auch bey dein wort / vñ rechten Gebrauch der
 hochwürdigen sacrament / segne noch o lie-
 Gott / iren Ehstand mit gesunden Leibsfrüch-
 ten / lasse sie sehē das glück der Statt Jerusale /
 vnd ihrer kinder kinder / vnd thu solches zu Eh-
 ren deines Großmechtigen Namens / zu deiner
 Kirchen erbawung / vnd zur ausbreitung des
 alten löblichen Neussischen stames.

Erbarme dich aller krankē / angefochtenē /
 trostlosen / wittwen vnd wäisen / schwangeren
 vnd seugendē / behüte vns für feuers vñ was-
 fers not / für dem schnellen jähen tod / vnd was

Christliche Leichpredigt.

37

Vns sonst mehr schaden kan/ vnd handte nicht
mit vns/ O trewer Vater nach deiner gestren-
gen Gerechtheit/ sondren nach deiner grund-
losen Güte/ Gnad vnd Barmhertzigkeit/ vnd
sonderlich/ wann wir von hiñen abscheiden sol-
len/ verleihe vns wahre reine vnd vverruckte
bekentnis nach deinē wort/ heilige anruffüg
deines Nahmēs/ feste vnd vnbewegliche glau-
ben/ einruhiges schlaffen/ vnd am jüngsten ta-
ge mit allē aufferwehlten ein frölich erwachē
vmb deines Aller liebsten Sohns Jesu Schri-
sti vnsers HErrn vnd Heilands willē/ welcher
mit dir vnd den Heiligen Geist lebet vnd regie-
ret/ gleicher GOTT hochgelobet in alle
Ewigkeit. Amen/ A-

men.

E N D E.



Ms. 750 6M

Faint, mostly illegible text in a Gothic script, possibly a list or index. The text is arranged in several lines and appears to be a continuation from the reverse side of the page.

3 2 3

M.C.



Pon Wg 750, QK

ULB Halle
001 848 836

3



Sb =

VDTK







gedruckt zu Gera / durch

M. ERHARDUM WE


Gehalten
Schlaiz /

Sanfften
dieser Welt
den s

Desß Elte
ren von Pl
Erannich

Wolget

Eine Chri




KODAK Color Control Patches

© The Tiffen Company, 2000

Kodak

LICENSED PRODUCT

- Blue
- Cyan
- Green
- Yellow
- Red
- Magenta
- White
- 3/Color
- Black



1609.

917

